

四庫全書

集部

欽定四庫全書

太白山人漫藁卷五

明 孫一元 撰

五言排律

出塞二首

夜出漢家城朝來塞上行黃金短匕首白馬縵胡纓瀚
海驚傳檄燕山暗住兵妖狐衝隊立燐火隔原明柳拂
轅門曙旗翻朔雨晴笑談開俎豆陳列走蛟鯨帳底鏡

歌起軍中殺氣橫寧知謝州簿猶是一書生

四塞黃雲接西征更北征
饑鷹掠地去駿馬跑空鳴
出磧河聲咽抱關山勢橫
風生聞戾戾月黑見欒槍
草際鶻鸞語雲間獵火明
旋吹白登路暗擣黑山營
鼓角三邊肅熊羆萬里行
提攜玉龍起擬死報明庭

贈李將軍征南十八韻

上將元知敵全軍用伐謀
折衝臨遠服仗鉞下南州
天末黃雲暗海門落日愁
朱帆開遠浪畫角起中洲
號令

三軍肅妖氛指日收千山迎劒氣萬里擁蛇矛風急聞
哀鴈波翻駭伏蚪舟人歌小海幕客盡輕裘羽檄飛前
渡艤衝據上流候晴占雉尾厭氣射旄頭馬援收諸洞
留侯用一籌驚鱗還自潰窮獸欲何投殺勢奔封豕威
聲走怒彪潛兵分部伍歸路扼咽喉尚詐終防變乞降
更莫留直須臨獠穴盡擬破蠻酋俘獻君門喜凱還道
路謳將軍列茅土四海仰皇猷

久雨書悶十四韻

窮日閉茅屋雨深境更清
楯眉上行蟻牆角卧空罌時
序了長句生涯終短檠
回風搏野曠新水漲柴荆入夢
暮雲碧懷人秋蘚生
荒雞啼遠戍山鬼嘯空城
哀哀風難定悠悠事屢更
關河成阻越盜賊正縱橫
看劒哀歌咽銜杯樂意傾
紀綱須汲黯諫疏憶匡衡
十載居南服同時笑北僇
驚雛饑欲死汗血老無名
極目煙波濶回頭布褐輕
誓將一竿去吾欲弄滄瀛

贈殷近夫靖江二十韻

霄漢瞻多士君才滯一方青袍走吏卒白馬照江鄉學
與前賢翼名應後輩光文鋒膏鶚鵠政理臥析楊吳楚
瘡痍地乾坤戰伐場孤城危此日哀笛動清商萬里憂
南服羣兇睨海疆輶輶防破取號令極飛揚涕為黎元
墮心應末俗傷風雲看變合形勝認低昂謀食同雞鶩
危身破犬羊農間留武備帝上演天潢喪亂哀孫楚賓
朋憶鄭莊獨憐清詠苦每愛劇談長去國煙雲異故園
橘柚荒土風猶未習水味只新嘗烏盡滄波濶天低落

日黃子情惟浩蕩吾志正悲涼歲晏舟檣闕途窮萊施
芳猶懷西北念夢寐耿難忘

近夫雨中載酒夜訪

夫子多高逸為官解愛賢衝泥山徑裏訪我桂叢邊不
廢清時興還開文酒筵寒枝通宿鵲細雨濕浮煙盤出
銀絲鱠詩歌漁父篇草堂元自僻華燭更成妍絕勝習
池飲接羅倒載還

送別彭冲老

論交非一夕去路惜匆匆鳥盡暮雲碧天低落日空風
塵千里別燈火一舟同句得勸杯處春歸吹笛中江山
我亦老天地子何窮萬事已殘醉百年終短篷案留青
玉在劒蝕土花紅客裏哀王粲戎間識呂蒙昂藏各有
意搔首看飛鴻


居定慧禪院

高眠雲中寺道路久費攀生涯依老宿幽事遠塵寰
晴藥裏遍榻靜圖書環殘葉下平阪荒煙翳潺湲
嬾久

厭文字靜多生道顏短童立晚吹野色上柴關境適物
已化語忘機自間門前桂應熟去去秋滿山

田園卜居

明時有遺逸學稼老田園荷鋤雲千頃歸耕月滿村郊
原隨步屨田父共開樽引水蔬成畝編籬花映門竹邊
行鳥雀桑下散雞豚晴日行看稼白頭坐弄孫年豐占
木德春到驗梅根農事時相較歲功日自論徵科吏未
擾耕鑿俗相敦看結田神社蹋歌笑語溫



太白山人漫藁卷五

欽定四庫全書

集部

太白山人漫藁卷八

六至

詳校官庶吉士_臣李如筠

中書_臣劉源溥覆勘

總校官原任中允_臣王燕緒

校對官中書_臣牛稔文

謄錄監生_臣齊兆求

欽定四庫全書

太白山人漫藁卷六

明 孫一元 撰

七言律詩

吳興浮碧亭

浮碧亭前湖水平
拍檻呼酒雙眼明
青天不動釣絲捲
白魚入手漁舸輕
悲風萬里動南紀
落日一望搖東瀛
沙鷗野鷺少機事
道人亦有滄洲情

南征

南征五月動旌旄
瘴靄蠻煙望目勞
此日壺漿迎虎旅
幾年江海泣弓刀
戍樓鵬落風雲壯
野日猩啼戰壘高
更喜皇天能悔禍
不妨遊子臥江臯

滄江

千林草樹靜相依
來往尋詩坐釣磯
地近青春惟鳥雀
夜來新水到柴扉
中原落日愁多夢
萬里滄江定不歸
擬向鹿門為地主
不妨常著芰荷衣

卜居一首東甘泉山人

歲晚卜居草堂靜長日晏坐人跡稀梅花不開凍雲合
雪片忽墮山鵲飛春杯到手何意味江風隔岸吹客衣
歸來道路不須問雲谷丈人還可依

春來兩月懶不讀書蕭然無一事

少喜讀書今懶讀下牀過午頭亂蓬青山滿樓晏坐處
落日半江元氣中看花聽鳥了物意尋詩把酒酬春工
風前忽自發一笑十年夢落滄洲東

得彭濟物總制書

白馬行營照暮春風流文采一時尊
遼陽燈火夜談劍
梁苑詞人今在門聞道經時頭盡白
還知百戰氣猶存
寄書為慰南州客臥病獨吟江上村

辛未中秋攜張逸人僧龍玉升顯東明西湖泛
月吹笛飲酒登望湖亭扶醉漫興

一望晴煙破暝幽湖天灩灩月初浮
旋攜斗酒呼隣父
小有蔬盤上釣舟
笛咽水龍中夜冷
杯搖河影萬山秋

人間回首悲何事欲覽清光最上頭

岳武穆王祠

誓死從來建大勲長驅虎旅蕩邊氛中原故舊今餘幾
四海相看獨有君吾道千年元氣喪皇圖萬里一江分
至今風斷黃龍府鐵馬猶嘶戰後雲

蓬牕

靜啟蓬牕發孤嘯天風四簷吹晝晴亂石橫泉自經緯
幽蘭老桂時爭清詩書端坐了節序山林無事完姓名

夜深魍魎向人拜
薜荔女蘿衣分明

送彭濟物赴闕

斗酒長歌賦遠遊客心無賴
攬衣裘西風老鴈啼殘夜
虛館青燈夢九州一路江山隨指顧
萬方時瘼要分憂
功成天上歸來日還覓滄浪舊釣儔

秋晚登鎮海樓

樓上輕雲散女婢樓前狂客獨支頤
江當夕照半添色
詩與秋山兩鬪奇木葉無言時序暮
塵寰多事杖藜知

只應又被漁郎笑雨細風斜歸去遲

新卜南屏山居

石上藤蘿對夕曛解衣長日坐來頻挽回滄海真無計
領畧青山合有人養鶴似嫌雙口累為漁又過一生身
相逢惟是南屏老獨樹柴門許結隣

山居著野服

道人占斷南屏景十里青山帶郭斜對水柴門通鶴渚
隔鄰煙火是漁家巖頭老檜占風雨石上昌陽閱歲華

粧點太平還着我棕鞵桐帽送生涯

江上別吳廷高約明年同遊嚴陵釣臺

一曲離歌日欲晡寒雲漠漠亂蘼蕪
晚風江上人初別黃蔑樓中酒漫沽
凍樹裏花春有迹暮林無葉月平鋪
明年準擬桐江去共訪嚴陵舊釣徒

登吳山絕頂望錢塘江潮

獨倚危岑岸接巖晚潮初上練痕齊
亂槓鼉鼓妖蛟舞倒捲銀山海日低
弓弩千年人去後帆檣萬里望中迷

憑誰喚起眉山老為誦錢王廟裏題

荒村

落日長風吹磧昏荒村寒月動籬門江潮枕上悲心壯
山鬼燈前夜語繁亂後客身猶萬里斗間雲氣望中原
欲添春水隨行李更聽漁歌起釣舩

同顧九和侍講鄭繼之戶部顧與成正郎殷近
夫縣令泛太湖作軍中樂酒酣賦詩

洞庭秋老翠陂陀景物恢奇望裏過石柱天風迴鶴鶴

海門波浪見黿鼉
帆檣萬里憐漁父
鼓角中流和櫂歌
獨倚蓬窗渾不醉
浮雲西北意如何

贈鶴

并引

殷近夫養二鶴每予至輒相對舞愛而作詩
贈之

為愛使君雙舞鶴
杖藜相過水雲鄉
入門瘦影當窗見
隔樹閒行共我長
碧海青天憐昨夢
朱琴瑤月鬪圓吭
他年結屋羅浮上
萬樹梅花待汝翔

聞江陰解園喜而獨酌爛醉

好音慰我靜風塵漫喜呼兒笑語新
夏武有詩歌盛代江山無恙著高人
短蓑月下形應古白酒牀頭計未貧
安得盡聞烽火息一瓢長醉太平春

中秋夜同吳興凌時東海昌董子言陳用明西
湖翫月爛醉歌此

十里蒹葭雨盡收西湖一望月光浮
野袍白幘同幽事菰米蓮房作好秋
波靜龜龍聽醉語夜涼河漢帶漁舟

高情盡在形骸外不用逢人說勝遊

與施邦直過南野堂訪陸如崐侍御遊道場山
泛碧浪湖臨別書此

一笑長髯意已投角巾相對草堂秋看山載酒青藜健
籠鶴尋僧盡日遊浮世事多悲去鳥野人道在只滄洲
他年寄跡來南墅小結芳鄰水竹幽

晚晴獨眺昇山絕頂

石磴天風笑語清捫蘿直上思猶輕斷虹收雨青山出

白鳥弄波斜日明跡學漁樵成久業身隨麋鹿長高情
兵戈滿眼真何意只漫蓬蒿過一生

避俗

避俗年來學養慵惟憐猿鶴日相從閒看流水孤筇往
偶與歸樵一徑逢老去形骸無長物清留門戶有高松
空教使者求顏闔知入雲山第幾峯

遊西湖 有引

甲戌秋七月十三日李叅戎汝盛南征功成

着野服訪一元於南屏山中既與棹舟湖上
放歌飲酒於渚蒲沙鷗之間盡日樂甚因謂
西湖自坡仙逝後五百載無此樂矣今日一
元與汝盛有之為作一律以志他日有求其
跡者於此亦可見云

虎旅將軍功業新也來林下放歌頻幾年天地傷多事
此日江湖合有人菱葉亂迎青雀舫波光忽動白綸巾
君王若念南征意乞與西湖寄此身

十五夜與汝盛泛舟湖中再疊前韻

西湖雨過荷氣新
船頭對坐言笑頻
清樽到手有真意
明月墮地延高人
一雙沙鳥忽近座
無數巖花吹滿巾
兩江事業不須問
來伴漁樵終此身

陪李叅戎汝盛遊勝果寺酒酣登月輪峯望錢塘江潮

間來野寺尋幽事
扶醉登臨興更豪
山脚遙分雲樹碧
海門初上浪花高
坐當落日吟偏壯
望入中原首重搔

投老要窮奇絕處不妨隨地混漁樵

贈徐廷應

老翁白首負奇好來往江湖稱地仙
野鷺沙鷗各解事青蓴紫鱖寧論錢
月明滿地夜呼酒山色半帆秋放船
偶過海門訪獻父相逢各誦雲煙篇

烏啼

烏啼野樹歲將暮滿眼蒼葭行路艱
老我祇應依白墮幾人猶未識青山
百年知己長鑱在萬事無心拄杖閒

獨倚高原望明月隔雲黃鶴幾時還

和劉元瑞叅政夜歸見寄

林下輕涼愜素裾雨晴薄暮景偏餘閉門句好香殘後
搗藥聲高月上初世上風塵元自厭山中靜業未全疎
他年杖屨來尋我同在羅浮頂上居

至日攜榼登道場山

瞥眼風塵歲屢遷椒盤栢酒自留連半生作計閒為上
到處論文山最賢好句忽成黃葉寺小舟漫倚白鷗天

松聲泉語無人會獨坐巖頭意已傳

和文徵明除夜見寄

節序驚心每憶家小牕無奈客愁賒
風前布褐窮難送夢裏江湖鬢未華
香滑春盤堆菜甲煖分歲酒媚椒花
浮雲西北應還念坐對寒燈夜畫沙

月波樓為陳子魚題

危樓溪上倚層空住近仙人白兔宮
浪靜魚龍眠桂影夜涼河漢動秋風
鉤簾弄釣滄洲上開檻洗杯清鏡中

他日乘舟聽吹笛我來相訪水雲東

王與時方伯顧與成叅議見訪山中

柴門車馬藩侯重下榻高談盡日懽
笑我風流丘壑相對君倒著竹皮冠
山中芝草闌干長石上松陰空翠寒
記得晦翁詩句好一川風月要人看

秋日簡王與時方伯

九月江南風色幽狂歌長日愛林丘
酒杯且擬東籬醉汗馬未收西國憂
鴻鴈駕鸞俱自逸蘆花楓葉各知秋

眼中今有王夫子曲檻新開看水流

春晚歸山中草堂

生涯未了烏藤杖裏足茅茨年復年報答清朝渾是句
破除塵事總宜眠生來白石仙人分老結碧山學士緣
賸有一裘行帶索等閒懶坐野狐禪

送李劍州白甫

發船撾鼓使君行望裏連雲棧閣橫此日黎元猶在念
十年格鬪喜初平鐵堂峽繞秦山遠玉壘峯連漢水清

更喜文翁今在蜀此行須見治功成

衡門

投老衡門不用名閒雲時伴一身輕牀頭酒盡春剛去
座上山青詩又成淺水短蒲蛙閣閣澹煙修竹月盈盈
憑誰為問天隨子藥草新生較幾莖

秋夜坐吳山僧舍

夕陰一抹暗江城入夜星河淺澹明度水煙寒千樹暝
隔林雲臥一僧清絡蟲故故催機杼木葉蕭蕭送雨聲

獨坐山牕情自會燈花無那向人青

乙亥元日

元日狂歌倒竹樽東風昨夜到柴門生逢盛世憂何事
家在青山道自尊殘雪疎林開舊色白沙細浪長新痕
春來漫有滄洲興文鵝銀鷁滿釣艖

孟秋十六日孫道甫范文一昆仲邀予同汪進
之京兆方質夫逸人泛舟西湖二首

雲移洲渚樹迴灣來泛湖光十里閒逸客風流同白幘

道人詩句說青山天留晚景平波上鷗落漁家亂竹間
此意與君須領畧菰蒲明月棹歌還

載酒同尋白鷺灣相看一笑意猶閒殘霞隔水宜詩句
歸鳥度雲見晚山謝氏賓朋牛渚上岑家兄弟漢陂間
醉歌小海無人和獨與漁郎泛月還

棲雲樓

樓上閒雲萬頃漫愛雲長日倚闌干巖花半落嵐光重
木葉亂鳴江雨寒野老自甘泉石味兒童時進薺薇盤

閒來更覺青山好
湘簾疎簾靜裏看

宿歸雲菴

沙清竹碧鷗出飛
野老候余開石扉
暮雲捲雨日初落
木葉滿山風乍稀
酒杯入夜意自好
篝燈向人寒相依
窮幽覽勝乃吾事
坐愛名山忘獨歸

送嚴季祥會試

遠征此日憐吾子
木落蒼山煙霧開
挂席獨看淮北月
與誰同眺沛中臺
上林冰雪愁時暮
萬里江湖入夢來

此去君門看獻策濟時須用出羣材

九日登南屏山漫興

南屏九日登臨地望裏風煙秋事幽青蔥娟憐物候
孤帆裊裊隔江洲秦雲隴樹歸心遠易水燕山落日愁
詩罷長吟還自佇汀鳬沙鴈晚相遊

留周用賓宿山中

道人訪我西湖間拄杖月明聞扣關焚香下榻夜初靜
解衣對坐神自閒眼中君似王摩詰海內我亦元次山

短袍高帽意更遠同來白日遊塵寰

仲冬一日聞雷有感

仲冬一日忽聞雷無乃皇天號令乖白日風雲時自晦
橫江波浪起爭飈十官不見居庸道八駿空馳黃竹哀
北望何人經國計野臣孤憤泣蒿萊

題倪司諫公在竹裏館

使君家在渭川上茅堂正對青琅玕皇陂月出夜初靜
紫閣雲連秋映寒已愛冉冉坐中見更要蕭蕭吟處看

聞道南鄰有蔣詡攜壺相過日高談

夢鄭繼之

不見平生鄭廣文風塵側望隔青雲殊方物色偏憐客
兩夜燈花頻夢君隔葉山鳩高自語避人江鶴獨為羣
眼中此日堪惆悵塞北音書久未聞

孟僉事望之載酒晚訪湖上

堆案不愁簿領急青春盡觴載歌行看雲湖上牽清夢
對客船頭洗玉觥沙岸行人楓樹黑水樓殘夜月華明

追隨此日真高會四海相看意氣橫

送少谷子繼之

少谷山人去不返洪河素舸坐長空一官臥病菰蒲裏
萬里看山煙霧中海內談詩名已動夜深說劍氣還雄
關西野客應憐汝君有當年季子風

登城漫興

獨上荒城望九垓長風吹月到天津蛟鼉浪起全吞楚
鳥鼠山空遠見秦歲月虛驚青瑣夢江湖終要白綸巾

不須更道歸來好爛醉樽前軟脚春

新築苕溪草堂成

白沙翠篠淨江潭新築堂成映色寒旋有飛鳬臨釣石
即看浴鷺傍清湍扁舟此日鷗夷子木榻經年管幼安
長暇南鄰呼酒伴一樽相對坐林巒

夜訪吾舍人廷介留酌

白首相看笑語同滿樓秋色坐來空瓶開美酒晚留我
心到古人今有公一夜好詩燈暈裏十年舊夢雨聲中

故山風物渾無恙還結茅茨八九弓

遊天竺寺

樓閣排空送目勞肩輿到寺步還遙古雷破碣無全面
老樹擎崖露半腰盛世不須妝放逸青山政爾要詩豪
歸來湖上東風晚帶得芳鮮氣未消

贈青城道士

新織鷺蓑間紅羽水雲隨處足徜徉傳來彭蠡魚經古
見說眉山帽桶長雲冷聽鐘尋野寺月明吹笛過江鄉

如今去覓玄真子還伴漁郎作醉狂

梁溪舟中遇吾廷介廷順昆仲口歌送之

吳門北下喜相尋乍見扁舟繫水潯感慨獨收今日淚
昂藏同露百年心高歌醉裏江湖遠白髮燈前夜雨深
此去秣陵如憶我逢人還寄敬亭吟

次韻答邵國賢少司徒

歲華荏苒坐成暮江南十月葉亂投滄海放身我何意
老松閱世天能留虞卿著書只愁思杜陵老病惟孤舟

幾年格鬪歸未得隨地看雲蓑杖幽

吳節婦

閨門節義綱常重里巷何人詠竹洲
剔目要看同此烈握符須信仰前脩
杼聲細雨孤燈夜蟲語空堂萬木秋
我為題詩重起歎百年風化見皇猷

仰則堂為吳孟昌題

竹洲洲上有幽居為繼先人結構初
野徑古梅春事舊石池孤月夜光虛
當時人去斯名重絕代堂成仰則餘

須信乾淳經濟在異時家學有遺書

鄭繼之新著小烏巾訪予作詩戲贈

道人相見一笑同烏巾自製誇新工
禮數嬾慢政着我山林風流今愛公
眼前物議一時事溪邊自照雙鬢蓬
接羅倒載間紅羽何當江上尋漁翁

望海

絕頂天風吹鬢毛長天東去望中遙
沙邊煙浪浮珠牡島上人家住翠鰲
萬里間情窮海嶽百年無事只漁樵

連翩盡日歸來晚看到潮生月色高

十四夜月下微醺倣邵堯夫首尾吟

薄晚微醺對月圓此時意象獨能傳
皇王有用從千古魚鳥無言共一天
好句忽成幽徑裏春風初到野梅邊
襟懷老大元無事薄晚微醺對月圓

把酒漫成

南窗不作裹足卧出門萬里隨所之
寶書長劒豈無意白日高歌應自奇
楊子草玄遭客罵杜陵痛飲真吾師

百年事業不須問
隨地看山筇一枝

率溪書院和韻

構得茅堂枕石磯
矮籬匝匝槿相圍
通渠水煖魚知樂
隔塢梅開春有機
半引短簾供野望
漫搜奇句了殘暉
堦前盡日無人到
綠上莓苔幾片衣

秋日孤山樓對酒

玄晏先生不解愁
偶來湖上一尋幽
健杯到手傾巴峽
捷句驚人破蔡州
四野秋聲酣晚日
半空雲影抱晴樓

倚欄遙望歸來處家在青山最上頭

重過南屏山

白幘長歌湖水隈
兩年風物是重來
吟邊忽漫乘高興
亭上依然笑舉杯
獨樹山花還自照
深春江燕故相迴
尋幽此日真吾事
隨意看雲坐石苔

有客訪予南屏山中袖出鐵笛作三弄予聞而作

有客磊落江海情
袖中取笛時一鳴
初聞浪捲水龍咽

靜聽鐵擊珊瑚聲漢戍三秋泣沙磧胡鴈中宵悲月明
感時去國意無那折柳落梅能自生

樵李城別倪世亨

樵李城邊春意動與君半月喜連翩
弱條麗蕊看梅柳
白髮青樽且歲年交友晚逢文舉喜諸郎
早得仲容賢
西歸他日同乘興萬里清江放舸船

幽居

幽居結構遠風塵長愛青山老此身
隱几忘言真得道

閉門却掃不逢人
近湖鵲鶴來終日
繞屋樓簷青過鄰
喚起林逋同載酒
六橋風月興猶新

贈申將軍制閫薊門

青雲鼓角動邊畿
白日旌旗赤羽飛
直免蒼生憂社稷
喜聞天子卸戎衣
三秋瀚海風傳檄
萬馬燕山夜破圍
他日功成憶孫楚
江邊來問釣魚磯

中秋夜攜諸友澈墅湖泛月望海

中秋此地成高會
山雨初收澈野隈
望裏星河舟楫近

坐中滄海酒杯開
月明靜抱龜巖出
樹色晴浮島嶼來
爛醉狂歌真自得
回頭天地莫生哀

有感二首簡休陽程世大

長吟獨坐思冲冲
回首江湖夢寐中
石壁青燈懸夜雨
山城畫角散天風
十年故國憂戎馬
萬里音書滯塞鴻
避地風煙憐杜老
草堂今寄浣花東

北風雨雪歲蕭蕭
問舍求田意已勞
去國久堪衣佩玦
撫時空惜劍吹毛
齊東鄭泰名應早
鄴下田疇氣自高

回首風塵今萬里側身天地一漁舸

幽居

小結幽居苔水上坐分沙草地應偏鳴鷗浴鷺春長滿
翠木涼雲江可憐白日著書真自適青山招隱不虛傳
扁舟亭上時來往獨有侯芭問太玄

題程世洪棲雲樓

樓上閒雲萬頃漫愛雲長日倚闌干巖花半落嵐光重
木葉亂鳴江雨寒野老自甘泉石味兒童時進蕨薇盤

閒來更覺青山好
湘簟疎簾靜裏看

憶鄭繼之

年來苦憶鄭夫子
獨坐幽林興轉孤
鼎鼎鷗羣迴晚日
青青菱葉散春湖
何時共採金鵝蕊
此日君猶銀兔符
一笑滄洲終自去
那堪風物眼中殊

過陳進士遂初湖上草堂

盛年射策憐吾子
早卜茅堂湖水涯
臥病滄洲心得
看雲白日首重迴
鷓鴣鵲柴門近
翠石寒沙水葉開

卷六
作客乾坤吾自放終當同隱白雲隈

喜雨

驕陽一雨動林臯喜極呼兒破白醪
石壁青燈雲色亂草堂叢竹夜聲高
蒼生望歲心偏切獨客憂時意已勞
水滿前湖風日好釣絲十尺弄漁舠

草堂

溪上高秋雲木涼地偏人事不相妨
開門江日流書幌背水秋花照草堂
塹北買田時未就舍南種竹已成行

幽居自擬王官谷藥畧書籤引興長

中秋

中秋酒醖聊乘興南國兵戈未息機作客慣看吳地月
憂時重泣楚臣衣遠江天入星河濕高木吟回風露稀
一望滄洲終自好百年只漫釣魚磯

題范文予臞菴卷

道人黃山梅花仙瘦骨峻嶒神蒼然飲泉坐石幽澗底
衣草食木青厓遙漢川風物久作計工部家學猶堪傳

夜深兀坐松月靜獨鶴一聲柴菴前

夜坐

中庭露下濕征裾獨起蒼茫佇望餘河漢夜深人語靜
海門潮上月華初盛時去國愁難破看劍燒燈氣未疎
三載相看隔南越故山戎馬久無書

九日登南屏山漫興

客中此日逢佳節扶醉來登千樹林斜日碧雲秋寺淨
折荷殘葦晚湖深中原目送雙流淚老馬時存萬里心

何處草堂還可借杜陵今有卜居吟

李郎中元任過別湖上

苦竹泠泠沙雨青秋風別我釣魚汀
好持使節朝天子
莫道江湖有客星北固雲回山歷歷
洪河龍鬬浪冥冥
眼中經濟須公等殿上夔龍有典刑

種竹

種竹荒岡手記曾滿林蒼翠盡騰凌
遙連野水青無間
斜壓秋雲冷不勝慣覓漁竿防稚子
祇分拄杖與山僧

黃陵歌罷無人
和明月闌干只自凭

太白山人漫藁卷六

欽定四庫全書

太白山人漫藁卷七

明 孫一元 撰

五言絕句

江上

沙礫喧寒雨
楓根挽釣楂
菰蒲起煙火
隔水是漁家

解衣

解衣坐漁梁
水風來許許
月明不見人
幽篁自相語

靖江道中

落日精靈語空山旅客驚沙寒留鷺影風急走江聲

鈎簾

鈎簾坐晚吹斗酒娛清暉幽懷未可言木葉不停飛

遊吳

短褐心愈壯蒯緱歌自聞薄遊吳王國來尋李子墳

孤山

誰將一拳石棄此湖水邊老梅盤拳春玩弄到何年

相見

相見不作語天風吹長鬚探取虎盤囊留贈崑崙圖

喜晴

鳥鳴隔籬落雨脚上翠微閉門吟正苦客來為解圍

睡起

睡起散幽躅荒岡春日西野雲飛不起寒壓竹枝低

春日遊惠山以老杜一徑野花落孤村春水生

衍韻次第得詩十首

春色滿三分梅事過其一不有載酒遊白日去更疾
茅堂藏山隈尋轉更幽興一鳥浴寒塘數花明小徑
石橋斜鬪水竹杖行堪把隔溪鶴如人相看不知野
境靜山光合門臨釣石斜老翁抱甕出清曉來灌花
半里同井臼數家帶籬落溪翁留白魚社友移新籜
向晚意不歇殘陽澹欲無漁榔隔浦斷樵響入雲孤
閒撫溪邊石坐談竹下門殘霞不作雨遠水欲浮村
短策時尋句高懷自領春山禽莫相避我是住山人

卸杖坐松根
覓句煙雲裏
得意酬青山
一掬野泉水
歸來吟不了
賸有水雲情
船頭借漁笛
韻中明月生

淨業二首

薰爐叅鼻觀
蒲團伴法喜
閉門風葉堆
半月書不理
容成覺么蟲
盤特了一句
我今無所聞
結茅雙松樹

秋夜

道人晏坐起
推窗時一吟
白鶴忽不見
月明秋滿林

雜詠四首

夕陽沒中流舟子不停櫓風來未滿帆望斷桃花浦
雲容溪上澹木葉山中稀野客青絲屨高人白板扉
霧靄濕空山招提路未分穿林人不見鐘磬却相聞
盡日不見魚風高網罟冷蹋船歸未歸江波蕩人影

毛應奎副使隱居嚴陵釣臺赴召小詩贈之

長風吹去棹萬里客星孤何物為君贈桐江畫作圖

秋晚

秋晚不扃扉秋亭一葉飛採蓮人不見水面落紅衣

永夜

黃葉下西阪山空秋正清
永夜無人語殘河盡意明

避客

報客頻勞鶴束書更住山
從今松桂裏散髮弄潺湲

偶成二首

寒日下高木照見女兒几
山豺虎聲相聞何人當九關
蛻蜎鬪未已攻破蚯蚓竅
傍有食氣翁抱膝獨長嘯

題孫道甫小景五首

家近新塘曲月明魚可掬
盡夜澹忘歸和雲汀上宿
辛苦忘平生雲深出林坂
短衣不掩脰行歌落日晚
秀色盡堪餐身輕意欲舉
日觀倚高寒排雲與天語
茅堂匯溪流一帶清未已
萍底山更奇蒼煙飛不起
巾杖散高躅鉤輶啼遠林
幽懷春冉冉日暮落花深
思賢書院十首

青龍橋

石梁無病涉杖屨時相逢
昔聞橫空霓今見跨水龍

清風樓

長天帶川原野水映林薄倚欄吟眺餘江日當窻落

學禮亭

幽亭枕溪流春風敞華牖望望聞笙鏞禮筵陳俎豆

養蒙館

夕陰下松間虛館春風裏夜窻燈火深兒童絃誦喜

名宦祠

絕代有新祠松篁映林麓歲時薦江蘺遺愛動民俗

鄉賢祠

高議排山岳典刑猶鄉土
我來瞻拜餘花竹映庭戶

志學堂

六經立人極萬古如星日
游居日以深春風羣芳茁

卓然亭

日夕獨往來花竹靜相對
身在萬象間意在萬象外

息游所

枕簟對青山琴樽事幽暇
日夕宴坐餘庭除雙鳥下

漱芳亭

芳意滿幽亭石池流水活沙頭羣鷗來檻外雙峯落

庚午九月廿五日夢中偶得

黃落獻晚山楓林有餘景攜鶴上漁舟布袍弄江影

題孫道甫明齋

致虛本無功輻輳自一轂天根念正微吾以觀其復

齋居

春日敞柴門春風來小園菜苗隨意長桔槔無時言

白鳧

白鳧看不足坐買江上舟長日牽春夢江光搖綠洲

餐氣

開窗見山氣餐之不盈口端在阿堵中笑入無何有

濯髮

濯髮泉水碧更坐灑天風麋鹿不相避同在此山中

夢遊華山

半空隔風雨萬壑聞長松我往採三秀騎龍蓮花峯

山中

來往不逢人家在山深處獨鶴忽飛來風動月中樹

晚眺

洞庭落日黃虹氣映林薄遠水插山根斷厓傾雲脚

即景

落篷回風力移舟維石次樹影散平波蟬聲入古寺
亂山帶喬木斜日望中碧白雲忽傍人馬首嵐光滴

欽定四庫全書

太白山人漫藁
卷七

太白山人漫藁卷七

欽定四庫全書

太白山人漫藁卷八

明 孫一元 撰

六言詩

雜興三首

道在須傳大雅歌
長再和建安天馬離
渥洼水鳳凰飲
砥柱湍

河嶽英靈鍾聚
星辰躔次依然
化作開元二鳥
啟鳴大

運千年

神君衣裳冶雅天人氣韻高閒題首猶餘甲子瓣香誰
拜門間

江上

日落不聞人語江空喜動鷗羣散髮弄木蘭楫乘風訪
洞庭君

縱筆二首

塵世功收翰墨江上還我形骸笑落風前斗笠小兒拍

手攔街

細雨年華冉冉高江木葉青青萬事付釣竿手一生讀
種魚經

宿華陽洞

偶過金陵地肺雲中坐對三峯折得瑤華獨玩月明歸
去騎龍

七言絕句

山人

山人住在瀑布西
早晚看山情自怡
屋下紫芝高一尺
無數春風不受吹

醉著

瓦瓶倒盡醉難醒
獨抱漁竿臥晚汀
風露滿身呼不起
一江流水夢中聽

桃源圖

溪上春風笑語溫
溪頭春水漲新痕
中原逐鹿人誰是
桃葉桃花自一村

苦寒行二首

半月閉門友朋絕過午下食鳥雀憐風狂高江浪打岸
雪壓濕突炊無煙

凍雲漏日黃無光野客禁此手足僵急走南村覓春信
梅花不見只詩狂

夜泊闔閭城

欲行未行風力柔吳門挂席夜正幽秋水半汀鷗夢我
好山兩岸月隨舟

憶王屋山人

幾時不見鹿皮翁回首碧雲天自空記得去秋新月夜
荳花棚下說年豐

耽酒

野人耽酒難料理十日牀頭作醉狂偶扶藜杖出門去
庭草風吹一尺長

宿江干

宿鳥不移林影靜春旗猶颭晚風虛城頭明月夜如水

江口小舟人打魚

與殷近夫放舟江心對月

挂帆半夜受天風
白幘高歌海月中
千古閒情誰領畧
一杯今與使君同

愛竹

眼中愛竹只數根
他時留取雙文樽
除却酒徒與漁父

春風長日不開門

東坡在蜀時以銀竹尺
許裁為雙筒謂之文樽

野夫

兩山夾湖當城隅何人能過清風廬黃葉抱霜蟪蛄老
野夫閉門窮著書

白苧詞

江上睡鴨煙草肥江南白苧催換衣雨聲四月不知暑
過盡櫻桃人未歸

晚泊江村

半江黃葉飛晴雨萬里長天坐短艘村酒瓦瓶呼渡急
石門山月去人高

寄青空道人

斗酒長歌對夕曛
相思無那隔重雲
夜來夢到西湖路
白石灘頭鶴是君

西湖

十里飛花送酒卮
六橋兒女蹋春詞
無人會得漁翁意
獨立晴湖照影時

春日書事

欲晴未晴雲日黃
美人不來心獨傷
漫倚東風數春事

桃花梨花飛過牆

梅杖

幾點冰花尚未消
一枝鶴膝凍翹翹
夜來夢到相尋處
野水斜通白木橋

荷巾

宓妃乞與波間碧
憑仗南風為剪成
試著晚涼溪上坐
道人真得愛蓮情

竹莊為孫用章題

小築閒莊枕水淪繞牆種竹碧森森亂紅吹盡春無幾
借看君家秋一林

文徵明為其友人伍君求作山水小幅十年甫
成君求出示予因賦絕句

繭光墨色喜新增肯作尋常斷壁稱十載獨留阿堵妙
畫師誰是顧金陵

開樽梅花下候解道士夜深不至

童子洗杯惱清夜何處酒徒來更遲梅花相看眼不醉

挑燈自誦山人詩

毛貞夫叅政別予籠一白鶴與丹書一函見遺
即席戲成二首答之

奇格踉蹌自少塵白榆花落島中春主人應是浮邱伯
不惜仙禽借與人

半世徒誇萬卷功埋頭今作蠹魚蟲元知天上多文字
雲篆煙書更不同

留許天賚宿山中

皇極閒窺天地心只容高臥華山陰枕邊鼻息君來候
政是人間韶濩音

王與時方伯求予製濂溪巾兼作小句贈之

角巾一笑有真意雲物相看水石間要得平生二三友
天應留取臥青山

飲龍井

眼底閒雲亂不開偶隨麋鹿入雲來平生於物元無取
消受山中水一杯

奉和文徵明元日見訪

簫鼓迎新節事忙喜驚閒客過山房主人依舊清狂甚
笑博泉盧送酒香

嘗吳中橘酒戲成

大觥落手流香新醑釀葡萄渾失真祇應常在勾吳住
要與木奴作主人

席上偶成

楊花燕子弄春柔醉倚筵篴笑未休依舊清風明月好

買船吹笛過滄洲

秋夜

林屋無人月正明
推窗欹枕睡魔輕
一秋詩句知多少
聽盡蕭蕭葉上聲

宿西山韜光菴

露下庭空蛩蟀鳴
山深不聞長短更
天風吹人酒欲醒
北斗插江河半明

南窗下芭蕉盛開五月蕭然有秋意

金定七
道人生意山中足養得芭蕉四五枝儘取幽涼供穩睡
還分秋色與新詩

竹枝詞二首

湖日初明湖水涯門前鵲鳴郎到家折得草花還自喜
插向阿奴雙髻丫

郎到家時春正忙願郎看蠶奴採桑去年蠶死猶自可
今年蠶死愁殺郎

林侍御過訪留坐竹下問武夷山水

清泉長日漱潺湲
多史峩冠訪竹關
自笑道人迂野性
相逢先問武夷山

春暮

門開輾輾東風曉
酒熟牀頭無可人
聽盡雨聲渾不寐
棟花榆莢過殘春

漁翁

漁翁生長不識字
坐對滄江有好懷
不用滿船載書畫
一篷獨挂酒筩來

約鵝湖費閣老明年同遊武夷山因作短歌二

首贈別

武夷山高秋意涼雲陰半落松桂蒼青壁無人沿月上
躡船放歌溪水長

野鶴照衣來清瀆山樹開花留白雲他日移居溪水上
道衣同拜武夷君

謝方方伯壽卿惠米

耽貧自笑山人瘦飽飯還歌方伯賢白石鐺中消歲月

漫炊松火汲清泉

中酒閉門一月偶出晚步戲成小句

燕麥花開春亦移道人扶杖下山時獨醒免使漁翁笑
捲葉分泉當酒卮

讀李世卿大厓文集二首東乃弟立卿憲長

豐芑多才世亦雍文章猶見昔賢風天根悟處梅花早
要有江門一老翁

杖屨當年誰與從白雲回首有高蹤畸人隨化文章在

我夢羅浮四百峯

訪錢隱君

隱君南國舊王孫
小築茅堂水竹村
我亦江湖陸魯望
釣竿獨抱訪柴門

西湖

門前雲物時來宿
沙上鷗羣亦自呼
背郭不知有城府
矮牀竹樹坐臨湖

陽羨山人

陽羨山人戴鶚冠偶來白日遊塵寰雲霞一夜忽入夢
却騎麋鹿還青山

坐竹林精舍

高幘短袍雲霞光扁舟繫纜野籬傍焚香靜坐了無語
山寺閉門春竹長

江南大水歌六首

揚子具區波勢連吳門淞泖盡雲煙郎家住處今何地
長日挂冠愁不前

落日薄山風撼波天吳九首海雲多茫茫一望愁無那
聽妾勸公無渡河

日黃抱暈天風號海若騫騰白浪搖連山浮石來噴雪
恰似曲江八月潮

卻疑地軸折中流雨倒風翻不肯休飛閣橫梁通海氣
鳴鷗浴鷺失汀洲

海側江翻地不毛崖危石斷日吞潮時聞西北猶巡狩
不見東南親射蛟

宿雲積霧晝長昏
滔日浮山白浪吞
空道武皇塞瓠子
還須神禹鑿龍門

潯陽歌十首

半夜煙飛殺氣橫
水軍攻破九江城
天子垂衣正南面
殊方逆賊敢稱兵

畫艦彫戈兵勢來
南康已破九江推
鄱陽潯灩空愁目
廬阜崔嵬作戰臺

安慶合圍久莫摧
中原保障有奇才
半夜絕城三死士

艤衝百萬只空迴

金陵龍虎帝王基石作城垣江作池此是先皇開國地
留都萬載莫輕窺

中丞就義身難屈憲副臨危罵未休要令後代看臣節
白日行天滄海流

潘鵬陷賊翻行說劉李逆謀乃助奸即日爾曹皆殄滅
一時天下愧儒冠

兵戈北指犯天關未到南都勢盡奔一夜玉顏凋後艤

珊瑚寶玦泣王孫

內官白面坐喧呼
盡道能開五石弧
臨敵一時皆撲滅
貂璫鐵券豈應圖

王公衆道善提兵
伍守臨鋒氣亦橫
大戰長江看倚角
成功今日是書生

聞道君王統六師
蠻兵百萬羽林兒
親征若果臨南徼
江水今為飲馬池

尋天台山水

卷八
桃花洞口流水源石梁橋畔古苔存山人遙贈金鵝蕊
笑隔雲光無一言

除夜

短瓶臥壁不盡飽宿火向人還自青明日梅花應作意
春風一夜打柴局

彭濟物憲副雨中訪予于吳山三茅觀時予方
醉臥分付童子未報佇久馳歸既而馬上戲成
一絕見寄聊復奉答

顏雲壓山山木黃瓦溝鳴泉簷溜長政惱門前立馬岌
須便水底眠知章

席上分韻同詠紅梅忌絳雪胭脂丹砂霞色酒
暈二首

皎皎從來忌太尤司花別處與風流就中根撥無人會
眼底還將物色求

平生正爾擬相親面著無言意更真紅拂敢疑顏色似
清風林下謝夫人

入天台山留別王河秀才

撾鼓發行棹相聞
我在人間是離羣
天台四萬八千丈
遙弄雲泉須憶君

歸來

望望江山阻且脩
歸來泉石漫夷猶
黃塵瞥眼無人見
輸與寒蟬自管秋

殘冬廿八日立春

酒捷不堪逢過節
天涯霜雪正淪陰
百年我亦何為者

也費椒盤菜碗心

汀上

汀上閒雲收未了望中白鳥影留雙乾坤此意何人畫
吟到無聲月滿江

題文徵明畫春江圖二首

過午輕雷風色鮮斷虹迎日破寒煙鷗清沙淨宜詩句
舊日仙人白下船

野樹無人陰自合斷峯隔岸雨猶青鷓鴣鵲留春住

正是江南杜若汀

書張山人壁

尋詩衝雪過山家拄杖鏗鏘石徑斜
自笑道人無長物
酒壺隨處有梅花

戲效汪京兆西湖六首為孫道甫書于湖之南

屏山居

問林和靖爭孤山

孤山君已占多春
此日還當讓後人
千樹梅花雙舞鶴

也須着我白綸巾

和靖答不允

占斷孤山五百春
暗香疎影句猶真
六橋煙月春無數
元屬梅花舊主人

回爭

我亦歸來事隱淪
山靈已許不須嗔
乾坤風月無常主
要有當時領畧人

和靖怒答

鶴化梅枯地自春
歲時伏臘薦芳新
蘇公堤在猶從姓
能道孤山更屬人

解和

昔人叢桂歌招隱
今日梅花肯見分
放鶴開籠亦不惡
摳衣長日願從君

和靖許分孤山一半

西湖十里春無數
夫子能來意亦嘉
煙水平分相對住
一山明月共梅花

山居一首僧廉一清過訪作贈

過晨睡起髮鬢髻雨後茅簷樹色增下榻裏中開藥竈
敲門看竹有山僧

春日

晚風庭院靜年芳燕子歸來草正長莫道幽人無一事
灌花洗竹一春忙

晨起見菊花盛開有懷青田令殷近夫

鳥下清晨日色淨起開雙戶照花幽故人何戀五斗粟

不共東籬萬斛舟

李叅戎汝盛手持白羽扇見遺口占奉答

盛世何勞起臥龍
山林鐘鼎道還同
直須著我青松下
嶺月溪風指顧中

長吟

落日射江江氣深
微雲薄樹生秋陰
青山白日足幽事
著我長吟萬木林

睡起

睡起行吟日過午
葛巾芒屨水雲間
虎頭食肉非吾事
要與圖南分華山

梨花

露華時為洗鉛妝
剪剪輕風透越裳
深院無人吹玉笛
秋千斜搭月如霜

梔花

若為秋水淡妝成
縞袂青裙似有情
獨倚西風弄秋影
向人無語可憐生

偶然成詩

詩書伴我真多事
雲臥天行意自閒
半世論交遍天下
眼中惟覺有青山

謝安

東山已慰蒼生望
別墅風流太傅遊
醉後猶傳青海舞
白雞夢斷已千秋

陶潛

江山萬里雲無色
歸去柴桑日已斜
風景滿前非故物

東籬采采獨黃花

林逋

開籠放鶴空山裏
巖畔梅花野興孤
天子當時重封禪
西湖合著老林逋

題美人圖六首

鬪草

草色風晴綠滿坡
佳人拾翠衆相過
衣裳帶得芳鮮氣
一笑歸來春意多

圍碁

碁局當窻笑語清
鴈行雲陣各縱橫
綳簾疎簟無人見
庭鶴時驚落子聲

鞦韆

花下羅裳映縠文
鞦韆彩架簇春雲
回頭偶道金釵落
深院風清笑語聞

蹴鞠

宋祖英雄靖海疆
蹴戎猶自意難忘
春風別苑三千處

教得宮中此藝長

彈琴

翠翹雲髻有風儀
坐弄瑤琴日影移
性格聰明誰第一
辨絃應似蔡文姬

題詩

花影亭亭日滿堦
鳳箋象管句新裁
因風柳絮真堪擬
誰有當年道韞才

睡起效趙子昂

小窻酒醒夕陽低草色撩人思欲迷曳杖起來出門去
山櫻子落竹雞啼

秋夜渡江


西風吹鬢綠鬟鬟擊榜長歌酒半酣野月上船燈影亂
載將秋思過江南

春曉

薄曉鳩聲初睡起山光半落竹門開清風茗椀蒲團靜
細雨春盤菜甲堆

詩成

短几兀言情自會一詩才就夜三更
燈青火冷不成夢
殘葉打窗送雨聲



太白山人漫藁卷八